

20 AUG 2002

NAIB PERDANA MENTERI UKRAINE KUNJUNGI DR MAHATHIR

PUTRAJAYA, 20 Ogos (Bernama) -- Naib Perdana Menteri Pertama Ukraine Oleg Dubyna yang sedang dalam rangka lawatan ke sini mengunjungi Perdana Menteri Datuk Seri Dr Mahathir Mohamad di pejabatnya di sini hari ini.

Mereka membincangkan isu-isu dua hala semasa perjumpaan kira-kira setengah jam itu, menurut pembantu kanan Perdana Menteri.

Dubyna, tiba di sini semalam bagi lawatan tiga hari, bagi meningkatkan kerjasama perdagangan dan ekonomi dua hala.

Semalam, Dubyna mengadakan perbincangan dengan Timbalan Perdana Menteri Datuk Seri Abdullah Ahmad Badawi dengan kedua-dua negara bersetuju untuk menubuhkan Suruhanjaya Bersama untuk memperkukuhkan hubungan dua hala.

Dubyna dijadual merasmikan Kedutaan Ukraine di Kuala Lumpur pada 4 petang hari ini.

-- BERNAMA

HS AZZ RHM